

Poslanikov, sallallahu alejhi ve sellem, život prije poslanstva

Rođenje, ime i porijeklo

Muhammed, sallallahu alejhi ve sellem, je rođen u Meki, u ponedjeljak 12. rebl'u-1-ewela 571. godine po Isau, alejhis-selam. Godina njegovog rođenja poznata je kao "godina slona", a to je godina u kojoj je Abesinac Ebreha pokušao da sruši Ka'bu, kao što je potvrđeno u suri El-Fil. Njegov otac Abdullah ibn Abdu-l-Muttalib ibn Hašim Ibn Abdu Menaf je umro prije njegovog rođenja, te je zbog toga rođen kao siroče, sallallahu alejhi ve sellem. Njegova majka je Amina bint Vehb ibn Abdu Menaf ibn Zehre ibn Kilab Ibn Murre. Nakon rađenja ona je poslala glasnika njegovom djedu da ga obraduje unučetom. On je došao, uzeo ga u naručje i izašao s njim do Ka'be, učio dovu za njega i dao mu ime Muhammed. Uzvišeni Allah kaže: ". . .i da vam
" ... donesem radosnu vijest o poslaniku čije je ime Ahmed

Sa očeve strane njegov rodoslov je: Muhammed ibn Abdullah Ibn Abdu-l-Muttalib ibn Hašim ibn Abdu Menaf ibn Kusij ibn Kilab ibn Murre ibn Ka'b ibn Luejj ibn Galib ibn Fehr ibn Malik ibn En-Nadr ibn Kenane ibn Huzejme ibn Mudreke Ibn Iljas ibn Mudarr ibn Nezzar Ibn Ma'd ibn Adnan. Porijeklo njegovog oca spaja se sa majčinim kod Kllaba ibn Murre, a Adnan je potomak Ismaila .i Ibrahima, alejhis-selam

Dojenje

Kod običaja Kurejšija bilo je da daju svoju novorođenčad dojiljama iz pustinje kako bi dijete živjelo na čistom pustinijskom zraku u prvim godinama svoga života da bi na taj način ojačalo njegovo tijelo. Zbog toga je i Abdu-l-Muttalib tražio dojilju za Muhammeda, sallallahu alejhi ve sellem, kada su u Mekku došle žene iz plemena Benu Sa'd. Među njima je bila njihova saplemenjakinja po imenu Halima. Svaka od njih je uzela djete na dojenje osim Halime, koja nije našla nikog osim Muhammeda, sallallahu alejhi ve sellem. U početku je odbila da ga uzme

zato što je bio siročić, ali je prezirala da se vrati bez djeteta, te ga je na kraju uzela, jer nije našla drugo. Kada ga je uzela, vidjela je da joj on donosi bereket. U plemenu Benu Sa'd Muhammed je proveo dvije godine, to jest puni period dojenja. Nakon toga ga je Halima odnijela njegovoj majci tražeći da ostane kod nje još neko vrijeme

Majčina smrt i djedovo starateljstvo

Nakon što ga je Halima vratila, ostao je kod svoje majke. Kada je napunio šest godina, majka ga je povela sa sobom u Jesrib u posjetu dajždžama iz plemena Benu Nedždžar. Sa njom je bila njena sluškinja Ummu Ejmen. Na povratku u Mekku u mjestu zvanom El-Ebva, koje se nalazi između Mekke i Jesriba, majka mu je preselila. U Mekku ga je vratila Ummu Ejmen, pa ga uze njegov djed Abdu-Muttalib da se brine o njemu